


Iroun Beretitenti
Henry B. Eyring

Moan Kauntira n te
Moan Beretitentii



Utu ao Raao Aika Akea Tokiia

Te tabo ra ae ko maeka iai, iai rao aika a uke-ukera te kukurei ae korakora are ko a tia ni kunea man maiuakinan ana euangkerio Iesu Kristo ae kaokaki. A na bae n aki kona ni kabwarabwara te aeka ni kukurei anne n taian taeka, ma a kona ni kina ngkana a noria ni maium. A na ingainga nanoia n reiakina aron reken te aeka ni kukurei anne, riki ngkana a noria bwa ko rinanon kataaki n aron ake a tia n rinanona.

Ko a tia n namakina te kukurei ngkana ko a tia ni kawakin ana tua te Atua. Anne te bwai ae na riki ke te berita are e a tia ni beritanaki (nakoim) ibukina bwa ko a tia ni maiuakin ana reirei te euangkerio (tara Motiaeia 2:41). Ko aki kakaonimaki n ongotaeka nakon ana tua te Uea bwa ko na nooraki irouia aomata tabeman, ma naake a kakoaua kukureim a tia ni katauraaoaki iroun te Uea bwa a na ongoraea te rongorongo ae raoiroi ni Kaokan te euangkerio.

Kakabwaia ake ko a tia n anganaki a tia ni karikaki bwa mwioko ao taai aika tamaroa ibukim. Ngkai ngkoe ana reirei are ko a tia ni karaaoa te berita ma Iesu Kristo, ko mwiokoaki bwa ko na karababa nakoia tabeman aia tai ni kakaea te kukurei ae rikirake, riki nakoia rao ao kaain am utu.

E noora te Uea am konabwai ao e kabwarabwara mwiokoam ma te tua aei: Te Uea e noora am tai [n

tibwaua te euangkerio] ao ni kabwarabwara mwikoam [n tibwaua te euangkerio] ngke e taekinna bwa bon tabeia aomata n tatabemaniia nako ake a tia ni kauringaki bwa a na kauringia kaain rarikiia (tara D&C 88:81).

Te Uea e kabebetea te tua anne bwa tina ongeaba man rinanon te bitaki are e riki ngkana ko kariaia ao ni maiu ni kaineti ma ana euangkerio Iesu Kristo. Ibukin aei, am tangira ibukiia tabeman e rikirake, ma nanom ibukiia bwa a na karekea te aeka ni kukurei aei are ko a tia n rinanona.

Teuana te katoto n te bitaki anne are bon nako ma inanom ao am namakin bwa ko na kanga ni butimwaea te tai n ibuobuoki n ana mwakuri ni mitinare te Uea. Mitinare aika bwanin aia tai a na waekoa n reiakinna mai iroun temanna are e raira ni koaua te aeka n aomata, ae iai nanona ae korakora ngkana a titirakinna ibukin temanna ae na reireinna. Te aomata are e rairaki e korakora ana iango ibukiia raaoraaona ao kaain ana utu bwa a na tibwaua te kukurei aei ma ngaia.

Ngkana am tia kairiiri n te mition n te uuote ke mitinare a titiraki ibukin aran temanna ae e na reireinaki, bon te bwai ni kamoamoa nakoim. A ataia ae a tia rao n noora te kukurei are iroum, ngaia ae, rao aikanne a tia n tauraaoi ni kan ongora ao n rineia bwa a na butimwaea te euangkerio. Ao iai nanoia ae koaua bwa ko na riki

bwa te rao ae a na kainnanoia ngkana a rin inanon ueana riki ngkana a riki bwa kaain te Ekaretia.

Ko na aki maaku ngkana ko raure nako ma rao man kaoakia mitinare bwa a na kaitibo ma ngaiia. Iai rao-raau aika aki butimwaia mitinare ma a tia ni kaitauai inanon ririki aika mwaiti ibukin anganakia te bwai ae a taku bwa a rangin ni kakawaki nakoio. Ko kona ni karekeia rao aika a na akea tokii man anganakia tae-kan te euangkerio, ake ana noria bwa a tia n anganiko te kukurei. Tai kabua te tai ni kaoia rao ao ai moarara riki kaain te utu n rineia bwa ana ira te babaire ni kakukurei.

Akea riki te tai ae kakukurei ibukin te kakao anne nakon ae inanon tembora n te Ekaretia. Ikanne ao e kona te Uea n anga otenanti ni kamaiu nakoia ara batibit ake a aki kona ni karekei n te maiu aei. A tarai ko mai karawa n te aonaaba n tamnei ma te tangira ao te kantanninga. E a tia te Uea ni berita bwa a na reke aia tai n roko nakon Abanueana (tara D&C 137:7–8), ao E a tia ni buokiko n namakina tangirakiia.

A mwaiti ibuakomi aika a tia n namakina te kimwareirei n anga otenanti n te tembora nakoia tabeman, n aron are ko karaaoia ngke ko anga araia aomata nakoia mitinare bwa a na kaitibo ma ngaiia. Ko a tia n namakina riki te kimwareirei ae korakora ni karaaoan otenanti ibukia am batibit. E kaotaki nakon te Burabeti Iotebwa Timiti bwa kukureira ae aki toki e kona n reke ti ngkana ti anga te kawai ni kakabwaia anne nakoia ara batibit rinanon otenanti n te tembora aika kamimi (tara D&C 128:18).

E bita nanora te Kiritimati nakon te Tia Kamaiu ao nakon te kimwareirei ae e a tia Ana euangkerio ni uotia nakoira. Ti kaota ara kakaitau ae moan te tamaroa nako Ina ngkana ti anga te kukurei anne nakoia tabeman. E bitaki te kakaitau nakon te kimwareirei ngkana ti anga taian ara nakoia mitinare ao ngkana ti uoti araia ara batibit nakon te tembora. Kakoauan ara kakaitau anne e kona ni karikia raa ao utu n akea tokii.

REIREI MAN TE RONGORONGO AEI

E kabwarabwara Beretitenti Eyring bwa ti kona ni kaota ara kakaitau ibukin ara Tia Kamaiu man tibwa-uan te euangkerio ma tabeman. Ko kona ni maro-roakinna ma naake ko reireiniiia bwa e kanga ana

bwaintangira te euangkerio ni kakabwaia maiuia. Ilanga kaoakia bwa a na tataro mwaaka bwa a na kinaia naake a kantaningaia bwa a na tibwaua ana bwaintangira te euangkerio ao a na kanga ni karaaoia.

ATAEI

Tibwaua Am Koaua

Ko kona n tibwaua ana bwaintangira te euangkerio n te Kiritimati aei n angania raom ke kaain rarikim kaobiin Ana Boki Moomon ma am koaua ae koreaki inanona. Iri kawai aikai ni katauraaoia:

1. Iaon te mwakoro ni beebea, anaa abwakin te rekita-
ngko ae tao $4\frac{1}{2} \times 6\frac{1}{2}$ te inti ($11\frac{1}{2} \times 16\frac{1}{2}$ tientemita)
ao tuanga temanna ae ikawai bwa e na buokiko ni
koroia.
2. Karina tamneim—tao te korobanna ke ae rawe-
aki—ietia iaon te iteraniba.
3. Korea am koaua iaan tamneim.
4. Karekeia ae ikawai riki bwa e na buokiko ni kanimwa
te beebea nako nanon baan Ana Boki Moomon.

KAIRAKE

I Kona n Tibwaua Ana Boki Moomon?

Iroun Josh Arnett

I nanon au moan ririki n te reirei ae rietata, au tia
reirei n te tieminari e kaoa au kiraati bwa a na anga
kaobiin ana Boki Moomon nakoia raaora aika tiaki
kaain te Ekaretia. E ngae ngke I rangin ni mama, I
kariaia te kakao.

I kabanea tabeua te bong ni karikirakea ninikoriau,
ma I angan raoraou ae Britny te boki n tain te moti-
rawa ni katawanou ao ni kaota au koaua ae uarereke.
E karabwaai Britny ibukin te boki.

N tokin te ririki n te reirei anne, e mwaing Britny, ma
ti teimatoa n reitaki. E tuangai rongorongan ana reirei
ae boou ao a kanga angia raoraona n riki bwa mem-
bwa n te Ekaretia, ma e aki kona n taekina te bwai ae
kaineti ma te maiu n tamnei ma ngai.

E bitaki anne imwain ae I kitana au mition. I karekeia
te rongorongo mairoun Britny are e taekinna bwa iai

ana rongorongo ae kakawaki ibukiu: e nang bwabetito-aki, ao e tangiria ni karabwaai ibukina bwa e a tia n riki bwa raoraona ao ni kaota te katoto ae tamaroa.

Te Atua e ana te ataeinimwaane ae 15-ana ririki ae mamaama ae akea ana atatai n te mwakuri ni mitinare ao n tuangnga bwa e na tibwaua te euangkerio ma temanna ae E ataia ae e na butimwaia. I ata anne man

au kakuongo nakon te Tamnei, ti kona ni kabane ni kakaia aomata irarikira aika a tataninga ni kan reirei taekan te euangkerio ae kaokaki. I ataia bwa ngkana ti buoka ni uota tao temanna te aomata nakon te Uea, kimwareireira e na korakora ma te aomata anne n abanuean Tamara (tara D&C 18:15).

E maeka te tia korokaraki i Washington, USA.



Mwiokoan Iesu Kristo Mai leta: Natina ae te Riki Temanna n

Tataro muaaka ibukin te beebe aei ao ukoukoria bwa ko na ata te buai ae ko na tibwauaia. E na kanga ataakin maiun ao mwiokoan te Tia Kamaiu ni kakorakora am onimaki Irouna ao ni kakabwaiataia naake ko tararuia rinanon te kakawari n reirei? Ibukin rongorongona riki nakon reliefsociety.lds.org

Onimaki, Utu, Buoka

Aio mwakoron te Kakawari n Reirei n te Mweenga are e kaota mwakoron ana mwakuri te Tia Kamaiu.

Ara Tia Kamaiu, Iesu Kristo, e atongaki bwa ti Te Riki Temanna ibukina bwa ti ngaia te aomata n te aonaaba aei are bungiaki iroun tinana n te maiu n rabwata ao tamana ae aki mamate. E karekei mwaaka mai eta mairoun te Atua, Tamana. Mai Iroun tinana, Maria, E karekea rabwatana ae mamate ao e na rinanon te baki, te taka, korakai, maraki, ao te mate.¹

Ibukina bwa Iesu Kristo bon ti Ana Riki Temanna te Tama, E kona ni mate ao ni mangauti. E reirei booki aika tabu bwa “rinanon te mwakuri ni kamaiu iroun Kristo,” ti “karekea te mangauti” (Iakobwa 4:11). Ti reiakinna naba inanon booki aika tabu bwa a kona aomata ni kabane ni kautaki n te maiu ae aki mamate ao ni karekea te maiu ae ake tokina ngkana a na onimakinna (tara D&C 29:43).

Ngkana ti a ota raaoi riki bwa tera ae nanonaki ibukin Iesu n riki bwa Ana Riki Temanna te Tama, ara

onimaki iroun Kristo e na rikirake. Unimwaane D. Todd Christofferson man te Kooram n Abotoro ae te Teungaun ma Uoman e taku, “te Onimaki iroun Iesu Kristo bon te onimaki ae matoatoa ao te koaua n (1) Arona ae Ti Ana Riki Temanna te Atua, (2) Ana Mwakuri ni Kamaiu ae Akea Tokina, ao (3) Mangautina ae Itiaki.”² Burabeti n taai aikai a tia ni kakoaua: “[Iesu Kristo] bon . . . ti Ana Riki Temanna n te maiu n rabwata, te Tia Kabooi Maiuia kaain Aonaaba.”³

Man Koroboki aika Tabu

Ioane 3:16; Doctrine and Covenants 20:21–24; Moses 5:6–9

Man Ara Rongorongo ni Kawai

Ti wareki taekaia aine inanon te Nu Tetemanti, aika ti atai araia ao aika ti aki atai araia, aika a kamwakura te onimaki iroun Iesu Kristo, n reiakinii ao ni maeuakini Ana reirei, ao koauan Ana mwakuri, kakai, ao te karineaki. A riki aine aikai bwa banna ni katoto n ana reirei Iesu aika tikiraaoi ao taan kakoaua aika kakawaki n te mwakuri ni kamaiu.

Ibukin te katooto, e kaota ana koaua Marea ae korakora ibukin te Tia Kamaiu ngke e kangai Nakoina, “I taku bwa e koaua bwa te Kristo Ngkoe, are Natin te Atua, are e roko i aon te aba” (Ioane 11:27).

Tabeman ana taan kakoaua te Tia Kamaiu n rikina bon Tinana, Maria, ao ai tarina Eritabeta. E aki maan imwin rokon te anera Kabiriera nakon Maria, e kawara Eritabeta. Ao ngke e ongo ingani Maria neiere Eritabeta, e “kaonaki ma te Tamnei ae Raaoiroi” (Ruka 1:41) ao ni kaota ana koaua bwa e na riki Maria bwa te tina nakon natin te Atua.

BWAI AIKA A NA TARAKI

1. Tara *Reirein Te Euangkerio* (2009), 52–53.
2. D. Todd Christofferson, “Katean te Onimaki iroun Kristo,” *Riaona*, Tebetembwa 2012, 13.
3. “Te Kristo Ae Maiu: Aia Koaua Abotoro,” *Riaona*, Eberi 2000, 2–3.

Tera ae I Kona ni Karaaoia?

- 1.** Bukin tera bwa e kakawaki ibukiu bwa N na ata taben lesu Kristo?
- 2.** A kanga berita aika tabu ni kakorakora ara onimaki iroun te Tia Kamaiu?